

## Izveštaj o radu Uprave policije MUP-a Kantona Sarajevo za mjesec mart 2023. godine

### KRIMINALITET

#### STATISTIČKI POKAZATELJI

U mjesecu martu 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 362 događaja sa obilježjem krivičnog djela (što je za 22 ili 6,5% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 168 ili 46,4% je evidentirano po poznatom izvršiocu, a 194 ili 53,6% po nepoznatom izvršiocu.

Od 194 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 96 ili 49,5% (što je za 15,6% više u odnosu na uporedni mjesec) od čega je 45 evidentirano u mjesecu martu, a 51 u ranijem periodu.

Uprava policije MUP Kantona Sarajevo je nadležnim tužilaštvima prosljedila na odluku putem administrativnog djelovodnika ukupno 143 obavijesti (133 manje) o događajima u kojima je pričinjena neznatna materijalna šteta.

STATISTIČKI POKAZATELJI DOGAĐAJA SA OBILJEŽJEM KRIVIČNOG DJELA  
U MJESECU MARTU 2023/22. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>MART 2023. GODINE</b>	<b>362</b>	<b>168</b>	<b>194</b>	<b>96</b>	<b>51</b>	<b>220</b>	<b>7</b>	<b>133</b>	<b>99</b>	
MART 2022. GODINE	340	163	177	60	49	198	5	108	82	
<i>uporedba</i>	+/-	22	5	18	36	2	22	2	25	17
	%	6,5%	3,1%	10,2%	60%	4,1%	11,1%	40%	23,1%	20,7%

Prijavljeno je 220 lica (22 više), 133 povratnika u vršenju krivičnih djela (devet manje) ili 60,4% od ukupnog broja prijavljenih lica, sedam maloljetnika (dva više), a 99 lica je lišeno slobode (17 više).

Za događaje sa obilježjem krivičnog djela, koji su evidentirani u mjesecu martu 2023. godine, prema izjavama oštećenih lica, nastupila je materijalna šteta u ukupnom iznosu od 973.840,81 KM (u martu prethodne godine iznosila je 663.238,40 KM i 22.600 €).

TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU MARTU 2023/22. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a

KZ FBiH-a i KZ BiH-a	MART 2023. GODINE	MART 2022. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	<b>20</b>	25	-5	-20%	16	4	2	50%
Protiv slobode i prava čovjeka i građ.	<b>19</b>	17	2	11,8%	13	6	3	50%

Protiv spolne slobode i morala	<b>0</b>	1	-1	---	0	0	0	---
Protiv braka, porodice i mladeži	<b>20</b>	21	-1	-4,8%	20	0	0	---
Protiv zdravlja ljudi	<b>46</b>	24	22	91,7%	46	0	0	---
Protiv privrede, poslovanja i sigurnosti platnog prometa	<b>1</b>	0	1	---	1	0	0	---
Protiv imovine	<b>204</b>	210	-6	-2,9%	35	169	87	51,5%
Protiv okoliša	<b>1</b>	0	1	---	1	0	0	---
Protiv opće sigurnosti ljudi i imovine	<b>15</b>	8	7	87,5%	2	13	3	23,1%
Protiv sigurnosti javnog prometa	<b>11</b>	14	-3	-21,4%	11	0	0	---
Protiv pravosuđa	<b>6</b>	2	5	250%	4	2	1	50%
Protiv javnog reda i pravnog prometa	<b>7</b>	10	-3	-30%	7	0	0	---
Protiv podmićivanja i KD protiv sl. i dr.	<b>3</b>	4	-1	-25%	3	0	0	---
Dogovor, pripemanje, udruživanje i organizirani kriminal (KZBiH)	<b>4</b>	0	4	---	4	0	0	---
ZONDINOIM-a (Sl.novine Kan. Sarajevo br.01/18)	<b>5</b>	4	1	25%	5	0	0	---
UKUPNO	<b>362</b>	340	22	6,5%	168	194	96	49,5%

U mjesecu martu 2023. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 22 ili 6,5%. Povećanje je zabilježeno u oblastima protiv zdravlja ljudi (za 22 događaja), opće sigurnosti ljudi i imovine (za sedam), pravosuđa (za pet), dok je smanjenje evidentirano u oblasti protiv imovine (za šest događaja), života i tijela (za pet), javnog reda i pravnog prometa (za tri), sigurnosti javnog prometa (za tri), itd.

#### **PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

##### PROTIV ŽIVOTA I TIJELA

U mjesecu martu 2023. godine evidentirano je 20 događaja sa obilježjem krivičnog djela iz oblasti protiv života i tijela (pet manje u odnosu na mart 2022. godine) i to 16 po poznatom i četiri po nepoznatom izvršiocu. Evidentirani su sljedeći događaji:

- ubistvo u pokušaju (član 166. u vezi člana 28. KZ FBiH-a) – jedan događaj (jedan manje),
- teška tjelesna ozljeda (član 172. KZ FBiH) – četiri (tri manje),
- lahka tjelesna ozljeda (član 173. KZ FBiH) – 15 događaja (jedan manje).

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 17 lica, od koji je osam povratnika ili 47,1% i jedno maloljetno lice.

##### PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 19 događaja sa obilježjem krivičnog djela (dva više) i to ugrožavanje sigurnosti, za koja je prijavljeno 17 lica, od kojih je osam povratnika (ili 47,1%), a tri su lišena slobode.

##### PROTIV BRAKA, PORODICE I MLADEŽI

Iz oblasti krivičnih djela protiv braka, porodice i mladeži u martu je evidentirano 20 događaja sa obilježjem krivičnog djela (jedan manje) i to nasilje u porodici, za čije izvršenje su prijavljena 23 lica, od čega je osam povratnika (ili 34,8%), a 17 lica je lišeno slobode.

PROTIV ZDRAVLJA LJUDI

Evidentirano je 46 događaja sa obilježjem krivičnog djela iz oblasti protiv zdravlja ljudi (22 više) i to:

- neovlaštena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 42 događaja.

Nadležnom tužilaštvu podneseni su službeni izvještaji protiv 47 lica, među kojima je 28 povratnika (ili 59,6%), a 25 lica je lišeno slobode.

Policijski službenici Uprave policije su u martu 2023. godine, Kantonalnom tužilaštvu Sarajevo podnijeli službeni izvještaj protiv pet lica, zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", „Heroin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime su počinili krivično djelo iz člana 238. KZ FBiH-a (Neovlaštena proizvodnja i stavljanje u promet opojnih droga), a protiv 40 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, "Speed", itd.) čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU MARTU 2023/22. GODINE

vrsta opojne droge	MART 2023. godine	MART 2022. godine
Marihuana (paketići)	22	2
Marihuana (u gramima)	160,639	7.977,332
Amfetamin (u gramima)	3.302,148	561
Amfetamin (paketići)	9	0
Heroin (u gramima)	0,741	---
Heroin (paketići)	2	---
Extazy (u tabletama)	---	14
stabljike „kanabisa“	1	131
Speed (u gramima)	---	5,505
Speed (u paketićima)	15	5
Kokain (u gramima)	3,192	---
Pribor sa ostacima droge	7	16

PROTIV IMOVINE

Evidentirana su 204 događaja sa obilježjem krivičnog djela protiv imovine (35 po poznatom i 169 po nepoznatom izvršiocu) što je za šest ili 2,9% manje u odnosu na isti mjesec prošle godine. Iz ove oblasti evidentirani su slijedeći događaji sa obilježjem krivičnog djela:

- teška krađa (član 287. KZ FBiH) – 94 (dva manje),
- krađa (član 286. KZ FBiH) – 64 (šest više),
- razbojništvo (član 289. KZ FBiH) – 20 (dva manje),
- oštećenje tuđe stvari (član 293. KZ FBiH) – 12 (šest manje),
- prijevarena (član 294. KZ FBiH) - dva (četiri manje), itd.

Nadležnom tužilaštvu podneseni su službeni izvještaji protiv 78 lica, od kojih je 59 povratnika (ili 75,6%), a 39 je lišeno slobode.

Od ukupno 169 događaja sa obilježjem krivičnog djela evidentiranog po nepoznatom izvršiocu iz oblasti protiv imovine, naknadno je rasvijetljeno 87 ili 51,5% što je za 18,8% više u odnosu na mart 2022. godine.

Od ukupno 94 događaja sa obilježjem krivičnog djela teških krađa, 42 su izvršene u motorna vozila, otuđenja motornih vozila i "provale" u ista (25 više), 23 u stambene objekte (22 manje), 19 u poslovne objekte (tri manje), itd.

Tokom marta, evidentirano je otuđenje 12 motornih vozila (osam više u odnosu na uporedni mjesec), kao i pronalazak i vraćanje sedam vozila ili 58,3%. (Polijski službenici Uprave policije MUP-a KS-a pronašli su četiri, MUP RS-a – dva i sam vlasnik – jedno vozilo).

Evidentirana su 64 događaja sa obilježjem krivičnog djela krađe (šest više) i to na ulici – 26, u poslovnim prostorijama – 18, u stambenim objektima – deset, u vozilima i na stajalištima GRAS-a – sedam, itd. odakle su otuđivani novčanici, mobiteli, prehrambeni proizvodi, bicikla, auto-dijelovi itd.

Također, evidentirano je šest događaja sa obilježjem krivičnog djela teških krađa na naročito opasan ili naročito drzak način (dva više), pri čemu su izvršioc, upotrebom fizičke snage (otimanjem i trganjem) u pet i prijetnjom u jednom slučaju, otimali mobitele, novac i nakit, a evidentirani su na ulici i u parku. Nadležnom tužilaštvu podneseni su službeni izvještaji protiv tri lica povratnika u činjenju krivičnih djela.

Tokom marta evidentirano je 20 događaja (osam po poznatom i 12 po nepoznatom izvršiocu) sa obilježjem krivičnog djela razbojništva (dva manje) u nadležnosti slijedećih organizacionih jedinica Uprave policije: PU Novo Sarajevo – šest događaja (isti broj), PU Novi Grad – šest (tri više), PU Centar - tri (četiri manje), PU Ilidža – dva (jedan manje), PU Stari Grad – jedan (isto) i Sektor kriminalističke policije – dva događaja (jedan više).

Nadležnom tužilaštvu podneseni su službeni izvještaji protiv 16 lica, od kojih je 14 povratnika u činjenju krivičnih djela (ili 87,5%), a deset lica je lišeno slobode.

Od ukupno 12 događaja razbojništva evidentiranih po nepoznatom izvršiocu, naknadno je rasvijetljeno sedam ili 58,3% (što je za 3,6% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - četiri, prijetnjom upotrebe noža ili drugog oštrog predmeta – sedam i upotrebom fizičke snage – devet puta, a počinjena su na ulici – deset, u sportskim kladionicama – četiri, na benzinskim pumpama – tri, prodavnicama – dva i u apoteci - jednom. Otudivan je novac i mobiteli.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je 15 događaja (sedam više) i to: izazivanje opće opasnosti – 14 i teška krivična djela protiv opće sigurnosti ljudi i imovine – jedan događaj, a nadležnom tužilaštvu podneseni su službeni izvještaji protiv sedam lica, šest povratnika, a četiri lica su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – 11 i u zatvorenom - tri puta, pri čemu je u sedam puta otvorenim plamenom izazvan požar, u tri slučaja aktivirana je nepoznata eksplozivna naprava, jednom je pucano iz vatrenog oružja i u tri slučaja radilo se o lažnim dojavama o postavljenoj eksplozivnoj napravi u Općinskom sudu Sarajevo i školama na području Kantona Sarajeva. Posljedica izvršenja navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je sedam događaja sa obilježjem krivičnog djela (tri manje više) i to: nedozvoljeno držanje oružja ili eksplozivnih materija – četiri i napad na službenu osobu u vršenju poslova sigurnosti – tri događaja.

Nadležnom tužilaštvu podneseni su službeni izvještaji protiv osam lica, dva su lišena slobode i dva su povratnika u činjenju krivičnih djela (ili 25%).

### 1.3.DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu martu 2023. godine evidentirano je sedam događaja sa obilježjem krivičnog djela, u kojima je učestvovalo sedam maloljetnih lica. U odnosu na isti mjesec 2022. godine povećan je broj događaja sa obilježjem krivičnog djela za jedan ili 16,6%, kao i broj prijavljenih maloljetnih lica za dva ili 40%. Prijavljeni maloljetnici su u dobi do 14 godina – dva, od 14 do 16 – dva, od 16 do 18 godina – tri maloljetnika. Među prijavljenim maloljetnim licima bila su tri povratnika u izvršenju događaja sa obilježjem krivičnog djela.

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU MARTU 2023/2022. GODINE

dogadjaji sa obilježjem krivičnog djela (KZ FBiH)	mart 2023.	mart 2022.
Teška tjelesna ozljeda	---	1
Lahka tjelesna ozljeda	1	3
Ugrožavanje sigurnosti	1	---
Posjedovanje i omogućavanje uživanja opojnih droga	1	---
Krađa	1	---
Teška krađa na naročito opasan ili naročito drzak način	1	---
Razbojništvo	1	1
Oštećenje tuđe stvari	1	---
Nasilničko ponašanje	---	1
<b>UKUPNO</b>	<b>7</b>	<b>6</b>

### OSTALA PROTIVPRAVNA I ASOCIJALNA PONAŠANJA

#### AKTIVIRANJE MINSKO-EKSPLOZIVNIH SREDSTAVA

U toku mjeseca marta 2023. godine na području Kantona Sarajevo evidentirana su dva događaja aktiviranja minsko-eksplozivnih sredstava (dva događaja u martu 2022. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca. Evidentirano je 79 događaja anonimnih dojava o postavljanju eksplozivnih naprava (20 u martu 2022. godine). Nakon KDZ pregleda utvrđeno je da su dojave bile lažne.

#### POŽARI

Tokom mjeseca marta 2023. godine, na području Kantona Sarajevo registrovana je 13 požara (19 manje u odnosu na isti mjesec prethodne godine), u kojima nije bilo poginulih niti povrijeđenih.

Požari su registrovani na području općina: Ilidža - sedam, Novo Sarajevo i Novi Grad – dva, Centar i Trnovo po jedan požar.

Prema statističkim pokazateljima sedam požara je izazvano namjerno, dva zbog tehničkih nedostataka, dok uzroci četiri požara spadaju u kategoriju ostalih.

Požari su registrovani u:

- stambenom objektu – šest puta,
- saobraćajnom sredstvu - četiri,
- poslovnom prostoru, pomoćnom i u ostalim objektima – po jednom.

Zbog izazivanja požara nadležnom tužilaštvu podneseno je sedam službenih izvještaj iz člana 323 KZ FBiH (Izazivanje opće opasnosti) i dva službena izvještaja iz člana 301 KZ FBiH (Paljevina).

#### SAMOUBISTVA

U martu 2023. godine na području Kantona Sarajevo registrovano je pet samoubistava (dva više u odnosu na isti mjesec prošle godine), tri muškarca i dvije žene.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je osam pištolja, jedna ručna bomba i 71 komad municije različitog kalibra.

Tokom marta ove godine fizičkim licima izdato je 189 odobrenja za nabavku vatrenog oružja i 250 oružnih listova.

### JAVNI RED I MIR

U toku mjeseca marta 2023. godine u oblasti protiv javnog reda i mira evidentirano je 458 prekršaja (99 ili 27,6% više u odnosu na isti mjesec 2022. godine), a za izvršenje navedenih prekršaja prijavljeno je 477 lica (95 ili 24,9% više), od čega je 136 povratnika u činjenju prekršaja.

Zbog učinjenih prekršaja u oblasti protiv javnog reda i mira izdata su 404 naloga i podnesena su 54 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 428 prekršaja (ili 93,4%), a na prekršaje koji su utvrđeni Odlukom općinskih vijeća o javnom redu i miru 30 (ili 6,55%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (247), slijede stariji od 36 godina (166) i u dobi između 19 i 25 godina (64).

Prilikom narušavanja javnog reda i mira u mjesecu martu 2023. godine, nije bilo teže povrijeđenih lica (isto kao u martu 2022. godine), dok je sedam lica (četiri manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC MART 2023/2022.GODINA

STRUKTURA PREKRŠAJA	MART 2023.	MART 2022.	uporedba	
			+/-	%
<b>Prekršaji prema Zakonu o prekršajima protiv JRiM:</b>	428	331	97	29,3%
-Tuča	17	29	-12	41,4%
-Naročito drsko ponašanje	41	42	-1	2,4%
-Odbijanje naređenja i omalovažavanje pol. služb.	28	26	2	7,7%
-Prosjaćenje	224	142	82	57,7%
-Paljenje petardi	0	1	-1	---
-Uživanje opojne droge na javnom mjestu	42	18	24	133,3%
-Svađa, vika, nepristojno ponašanje	14	18	-4	22,2%
-Ostali prekršaji	62	55	7	12,7%
Ukupno naloga/ zahtjeva prema Odluci o.v. o JRM	30	28	2	7,1%
<b>UKUPNO lica</b>	477	382	95	24,9%
<b>UKUPNO prekršajnih naloga i zahtjeva za PPP</b>	458	359	99	27,6%

U odnosu na mart prethodne godine, prema strukturi prekršaja povećan je broj sljedećih prekršaja:

- prosjačenje za 82 ili 57,7%,
- uživanje opojne droge na javnom mjestu za 24 ili 133,3%,
- ostali prekršaji za pet ili 9,1%,
- odbijanje naređenja i omalovažavanje policijskih službenika za dva ili 7,7 i
- prekršaji koji su regulisani Odlukom općinskih vijeća za dva ili 7,1%,

dok je smanjen broj prekršaja:

- tuča za 12 ili 41,4%.
- svađa, vika, nepristojno ponašanje za četiri ili 22,2%,
- naročito drsko ponašanje za jedan ili 2,4% i
- paljenje petardi za jedan prekršaj.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (432 ili 94,3% od ukupnog broja), a znatno manje u ugostiteljskim objektima – pet, u školama – tri, u trgovinama i zanatskim radnjama – jedan, a na ostalim mjestima 17 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC MART 2023/2022. GODINE

MJESTO IZVRŠENJA	MART 2023.	MART 2022.	uporedba	
			+/-	%
<i>Ulica i drugi otvoreni prostor</i>	432	336	96	28,6%
<i>Ugostiteljski objekti</i>	5	7	-2	-28,6%
<i>Vozila javnog saobraćaja</i>	---	---	---	---
<i>Sportski stadioni i dvorane</i>	---	---	---	---
<i>Škole (školska dvorišta)</i>	3	3	0	isto
<i>Trgovinske i zanatske radnje</i>	1	1	0	isto
<i>Ostala mjesta</i>	17	12	5	41,7%
<b>UKUPNO</b>	<b>458</b>	<b>359</b>	<b>99</b>	<b>27,6%</b>

U odnosu na isti mjesec 2022. godine, smanjen je broj prekršaja evidentiranih u ugostiteljskim objektima za dva, dok je povećanje evidentirano na ulicama i drugim otvorenim prostorima za 96 i ostalim mjestima za pet.

Na području Kantona Sarajevo u mjesecu martu 2023. godine održano je 249 javnih skupova (14 ili 5,95% više u odnosu na mjesec mart 2022. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 53 slučaja izvršeno je KDZ osiguranje.

## SAOBRAĆAJ

Na području Kantona Sarajevo u mjesecu martu 2023. godine registrovana je 861 saobraćajna nezgoda (381 ili 79,4% više nego u martu 2022. godine), od čega je 791 sa materijalnom štetom (359 ili 83,1 % više) i 70 sa nastradalim licima (22 ili 45,8 % više).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU MARTU 2023./22. GODINE

	mart 2023. godine	mart 2022. godine	uporedba	
			+/-	%
UKUPNO SAOBRAĆAJNIH NEZGODA	861	480	381	79,4%
Saobraćajne nezgode sa nastradalim licima	70	48	22	45,8%
Saobraćajne nezgode sa materijalnom štetom	791	432	359	83,1%
POGINULO LICA	0	0	0	---
- vozači	0	0	0	---
-putnici	0	0	0	----
- pješaci	0	0	0	---
POVRIJEĐENO LICA	80	57	23	40,4%
- vozači	40	29	11	37,9%
- putnici	18	19	-1	-5,3%
- pješaci	22	9	13	144,4%

U naselju je registrovano 767 saobraćajnih nezgoda (65 sa povrijeđenim licima i 702 sa materijalnom štetom), van naselja 94 nezgode (pet sa povrijeđenim licima i 89 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU MARTU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	0	14	51	702	<b>767</b>	0	16	58
van naselja	0	0	5	89	<b>94</b>	0	0	6
<b>UKUPNO</b>	<b>0</b>	<b>14</b>	<b>56</b>	<b>791</b>	<b>861</b>	<b>0</b>	<b>16</b>	<b>64</b>

Prema kategoriji puta, najveći broj saobraćajnih nezgoda registrovan je:

- na ulicama u naselju - 466 nezgoda u kojima su 42 lica povrijeđena (devet teže i 33 lakše),
- na putevima koji se ubrajaju u kategoriju ostalih - 159 nezgoda u kojima je pet lica lakše povrijeđeno,
- na lokalnim putevima - 139 (dva teže i osam lakše),
- na magistralnim putevima - 54 nezgode u kojima je 8 lica povrijeđeno (tri teže i pet lakše) i
- na regionalnim putevima - 43 (pet lica lakše povrijeđeno).

POSLJEDICE SAOBRAĆAJNIH NEZGODA

Tokom mjeseca marta 2023. godine, u saobraćajnim nezgodama na području Kantona Sarajevo 80 lica je povrijeđeno (23 ili 40,3% više), od čega 16 teže (sedam ili 7,8% više) i 64 lakše (16 ili 33,3% više). Nije bilo poginulih lica isto kao i u mjesecu martu 2022.



## LICA POVRIJEĐENA U SAOBRAĆAJNIM NEZGODAMA

Od ukupno 80 povrijeđenih lica u mjesecu martu 2023. godine evidentirano je: 40 vozača (sedam teže i 33 lakše), 18 putnika (tri teže i 15 lakše) i 22 pješaka (šest teže i 16 lakše).

Starosna struktura nastradalih lica u saobraćajnim nezgodama je sljedeća:

- ispod 6 godina – jedno
- od 10 do 14 – tri
- od 15 do 17 godina - četiri,
- od 18 do 20 godina - sedam,
- od 21 do 24 godine - pet,
- od 25 do 30 godina -15,
- od 31 do 40 godina - 14,
- od 41 do 50 godina -12,
- od 51 do 65 godina - sedam,
- 66 i više godina - pet,
- nepoznata starosna dob – jedno lice.

Starosna struktura nastradalih vozača u saobraćajnim nezgodama je sljedeća:

- od 18 do 23 godine - pet,
- od 23 do 30 godina - sedam,
- od 30 do 40 godina - devet,
- od 40 do 50 godina - osam,
- od 50 do 60 godina - pet,
- 60 i više godina – jedno lice.

## UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- ostali uzroci - 785 (57 lica povrijeđeno, 15 teže i 42 lakše),
- neprilagođena brzina - 74 (23 lica povrijeđeno, jedno teže i 22 lakše) i
- odron na putu – jedna saobraćajna nezgoda (bez povrijeđenih lica).

## AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca marta 2022. godine, policijski službenici Uprave policije MUP-a Kantona Sarajevo kontrolisali su:

- 17.932 vozila i vozača (810 više),
- 7.435 lica u vozilima (1533 manje),
- pregledali 180 vozila (31 manje) i 241 lice u vozilima (52 više).

Zbog tehničke neispravnosti iz saobraćaja je isključeno 30 vozila (33 manje), 179 vozača je zatečeno da upravljaju vozilom pod dejstvom alkohola (123 manje), 325 vozača bez korištenja sigurnosnog pojasa (229 manje), 231 vozač bez položenog vozačkog ispita (139 više), 54 vozača pod izrečenom zaštitnom mjerom (isto), 280 vozača je zatečeno da koriste mobitel tokom vožnje (62 manje) i 1977 vozila koja su učestvovala u saobraćaju bez važeće registracije (1721 više).

Zbog kršenja propisa iz oblasti sigurnosti saobraćaja uručeno je 20.184 prekršajnih naloga vozačima (4574 ili 29,3 % više u odnosu na mjesec mart prošle godine) i podneseno 215 zahtjeva za pokretanje prekršajnog postupka (17 ili 7,32 % manje).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju. Tokom marta nije bilo oduzetih motornih vozila od višestrukih povratnika u vršenju prekršaja iz oblasti ZOOPS-a.

#### MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca marta 2023. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 9551 prekršajnih naloga (1122 više), upozoreno je 228 vozača (22 više), a specijalnim vozilom "pauk" premješteno je 99 vozila (53 manje).

Također, pješacima koji su kršili propise uručena su 149 prekršajna naloga (15 više), a upozoren je 16 pješak (5 manje).

#### ZAKONITOST U RADU

Tokom mjeseca marta 2023. godine nije bilo registrovanih pojedinačnih napada (u uporednom mjesecu evidentirana su dva).

Registrovana su dva slučaja upotrebe sile od strane policijskih službenika Uprave policije MUP-a Kantona Sarajevo.

U oba slučaja upotreba sile je opravdana u skladu sa Zakonom o policijskim službenicima i Pravilnikom o upotrebi sile MUP-a Kantona Sarajevo.

Tokom marta zaprimljeno je 18 predstavki na rad policijskih službenika Uprave policije MUP-a Kantona Sarajevo i šest saznanja iz službe, što ukupno čini 24 predmeta.

Razmatrano je ukupno 18 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 13 predstavki izvrše provjere i prikupi dokumentacija, za tri da se provede unutrašnja istraga i u dva slučaja da se radilo o neosnovanim predstavkama.

Okončano je devet unutrašnjih istraga, od čega je Odbor za žalbe javnosti Skupštine Kantona Sarajevo donio zaključak da je u dva slučaja osnovana, u tri slučaja neosnovana, u jednom slučaju bez dovoljno dokaza, u jednom slučaju odustanak i u dva slučaja prekid internog postupka do okončanja krivičnog postupka ili do okončanja krivične istrage.

#### RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima,

mjesnim zajednicama, predstavnicima vjerskih zajednica, udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Za učenike osnovnih i srednjih škola na području Kantona Sarajevo u mjesecu martu održano je 75 edukativnih radionica sa sljedećim temama:

- „Djeca u saobraćaju“,
- „Stop vršnjačkom nasilju“,
- „Cyberbullying“,
- „Oružje ne štiti, oružje ubija“,
- „Borba protiv trgovine ljudima“,
- „Stop drogama“,
- „Lopov uvijek bude otkriven“,
- „Policajac moj prijatelj“.

Navedenim edukacijama prisustvovala su 1.630 učenika osnovnih i srednjih škola.

Takođe, tokom marta ove godine realizovane su slijedeće aktivnosti:

- Organizovan pojačan obilazak autobuskih, tramvajskih i trolejbuskih stajališta, s ciljem prevencije izvršenja krivičnih djela i narušavanja javnog reda i mira,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostvarivali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Ostvarivani su kontakti sa predstavnicima osnovnih i srednjih škola u Kantonu Sarajevo, s ciljem preventivnog djelovanja na različite neprihvatljive pojave u i oko školskih prostora,
- Ostvarivani su kontakti sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela,
- Ostvarivani su kontakti sa sekretarima i članovima savjeta mjesnih zajednica u cilju unapređenja osjećaja sigurnosti i jačanja povjerenja građana u rad policije.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 701 migrant (263 ili 27,3% manje u odnosu na isti mjesec prethodne godine).

U mjesecu martu 2023. godine migranti su učestvovali u jednom događaju sa obilježjem krivičnog djela (pet ili 83,3% manje) i to:

- *Teška krađa (član 287. KZ FBiH-a) – jedan događaj.*

Tokom mjeseca marta 2023. godine, službenici policije proveli su jednu akciju, kontrolisali 14 migranata, od čega jedan nije posjedovao registracijski obrazac, te je predat Službi za poslove sa strancima radi registracije i smješten u prihvatni centar na području Kantona Sarajevo.

**TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI**

<b>MJESEC MART 2023. GODINE</b>	<b>KANTON SARAJEVO</b>
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	<b>701</b>
UKUPAN BROJ KONTROLISANIH MIGRANATA	<b>14</b>
BROJ MIGRANATA LIŠENIH SLOBODE	<b>1</b>
BROJ KRIVIČNIH DJELA POČINJENIH OD STRANE MIGRANATA	<b>1</b>
BROJ PREKRŠAJA POČINJENIH OD STRANE MIGRANATA	<b>0</b>
BROJ INCIDENATA POČINJENIH OD STRANE MIGRANATA	<b>1</b>
BROJ MIGRANATA KOJI SU VRAĆENI IZ SUSJEDNIH DRŽAVA	<b>0</b>
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	<b>1</b>
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	<b>1</b>

**Sarajevo, 13.04.2023. godine****Odjeljenje za odnose s javnošću**